



Kamis, 30 Maret 2023
Ogen: Johanes 2:1-5



“Itandaina Anakna”



Penandaita kerna dirinta bage pe kalak sideban iperluken kel i bas hubungan sada ras sidebanna. Kalak si nandai dirina subuk kekuatan bage pe kelemahenna pasti jadi kalak si merdeka guna ngelakoken teptep dahin si ibereken man bana. I bas si tandai biak temanta erdahin, tentuna mabai hubungan si mehuli i bas pendahin bage pe i bas situasi kegeluhen jabu.

Maria nande Jesus, lit i bas kerja erdebu bayu i kuta Kana. Tupung e lit persoalen si man alanken si mada kerja; e me inemen anggur rikutken tradisi kalak Jahudi nggo keru. Nande Jesus ngidah dinggen nggejapken situasi si ialaken serayan si mada kerja, e maka mindo Maria man anakna si raduken ras ia hadir i bas kerja e lako banci nampati serayan ras sukut si mada kerja. Pemindon Maria selaku nande Jesus, i jababNA alu ngatakan "*Paksangku langa seh*". Maria la megelut bage pe la merawa kerna jabap anakna Jesus, sabap iangka Maria kai si kataken anakna. Pengangkan e icidahken Maria alu nuruh serayan e lako ngikutken kerna kai siikataken anakna man serayan e. Maria e nandai Jesus selaku anak Dibata, tek ia maka Jesus pasti ngelakoken si mehulina i bas paksana. Penandai Maria nandangi Jesus erbahansa la gulut ukurna amin tempa la mis ilakoken Jesus kai si isuruhna.

Penandaita kerna anakta ras karakterna mabai kita jadi nande si pentar bagi Maria. Lanai sipaksaken sura-suranta nandangi anakta sabap lit paksana ia pe ngelakoken si mehuli. Si perlu, bereken kepercayaan man anak ngelakoken si mehuli e. Maria i tandaina anakna, senang iakapna.

"Nandai anak, maba kejuah-juahen"



Blank writing area with a light blue background and a wavy top edge.